

NOTFAU: Leo, 15j.



suechet ganz dringänd äs nöiis Daheime i Wohnigshautig

Liebi Tierfründe

Lueget einisch, bi ig nit au en ganz en Hübschr? Abr ig luege truurig, gäu? Ig bi dr Leo u ou grad es bitzeli (arg) truurig, ig bi ganz ganz dringend uf dr Suechi nach eme nöiie Daheime. Warum? Mis liebs Froueli muess grad is Pflägheim zügle u ig cha nid mitchoh. Chatze sy dört nid erloubt. D'Familie het ou chei Platz für mi, itze bin ig grad ganz allei uf diesere Wäut. Ig wärd wou erscht emou i e Chatzepension müesse zügle, abr ig wott doch wiedr so gärn es eigens Daheime, ganz baud. Drum!

Ig bi e typische Bengal, 15j., aber benähme mi mängisch wie en Jungspund. Ig cha schpieue wie e Chliine. U ig schpieue gärn, abr nur wenn ig das grad wott. U ig räd gärn. Bi scho e Charaktrchatr! Ig bi kaschtriert, chipped, gimpft, schtuberein, gsung u fit u muntr. Ig chenne nur d'Wohnig mit guet gsicheretem Baukon, richtig usse wott ig nit. Angeri Chatze, Ching u Hung sy mir definitiv z'viu u z'luut, ig wiu Alleiprinz sy. Nur Du u ig. So chenn ig das. Ig sueche äs ruhigs, entschannts Daheime mit gsicheretem Baukon (Chatzenetz) i ruhiger Umgäbig bi nätti, chatzeerfahreni Lüüt mit vii Ziit, wo au fascht immer öpper daheime isch. Wenn ig wiu schpieue, dann wiu ig spiue, mit Dir, itze. Du muesch fit sy, denn dann geit's bengalmässig ab, loufe, renne, Versteckis. I der Reihefoug!

Bisch Du vii daheime, arbeitsch Du teilziit odr villiicht im Homeoffice? Odr am bäschte: bisch Du pensioniert u fascht immr dihei? Wohnsch Du i ere ruhige Gägend u hesch Du en Baukon mit ere spannende Uussicht? U liebsch Du Bengale? Das wär's! Denn müesst mir üs unbedingt lehrä chenne. Ach ja, ig wohne derziit no z'Uetendorf/BE, wärd abr wou zügle müesse i e Chatzepension, wahrschiinlich wärd ig denn im Emmitau erscht emou daheime sy.. Mäud Di doch bitte ganz ganz gly bi dr Sonja Ball. Sie het sich mir agno u suechet für mi äs Plätzli. Mir pressierst es bitzeli!

Din Leo



Katze sucht Mensch - Mensch sucht Katze

Sonja Ball

Tel.Nr. 079 333 45 62 (werktags 18-20h)

kontakt@katze-sucht-mensch.ch